



Broj: 01-50-428-2/16/DK
Sarajevo, 27. 5. 2016. godine

BOSNA I HERCEGOVINA
SAVJET MINISTARA
Generalni sekretarijat
n/r gosp. Zvonimir Kutleša, generalni sekretar

PREDMET: Prijedlog odgovora na poslaničko pitanje, dostavlja se.-
VEZA: Vaš akt broj 05-50-1-453-5/16 od 10. 2. 2016. godine

Aktom veze Ministarstvu za ljudska prava i izbjeglice BiH dostavili ste akt Predstavničkog doma Parlamentarne skupštine Bosne i Hercegovine broj 01-50-1-15-24/16 od 3.2.2016. godine kojim je upućeno pitanje poslanika Denisa Bećirovića postavljeno 3. 2. 2016. godine, u skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH" br. 79/14, 81/15 i 97/15).

Gosp. Denis Bećirović, poslanik u Predstavničkom domu Parlamentarne skupštine Bosne i Hercegovine, je Ministarstvu za ljudska prava i izbjeglice Bosne i Hercegovine, postavio poslanička pitanja sljedećeg sadržaja:

6. "Šta je konkretno urađeno u aktuelnom mandatu Vijeća ministara BiH s ciljem nastavka aktivnosti na realizaciji Aneksa VII DMS?"

7. Šta je konkretno urađeno u aktuelnom mandatu Vijeća ministara BiH s ciljem dinamiziranja aktivnosti na otklanjanju posljedica poplava u BiH?"

Ministarstvo za ljudska prava i izbjeglice BiH je pripremlilo prijedlog odgovora na postavljena poslanička pitanja, te Vam u skladu sa članom 74. Poslovnika o radu Vijeća ministara BiH („Službeni glasnik BiH“, broj: 22/03) isti dostavljamo u prilogu ovog akta, radi razmatranja i utvrđivanja odgovora.

S poštovanjem,

Prolog: Kao u tekstu



MINISTARICA

Serija Borovac

Serija Borovac



BOSNA I HERCEGOVINA

VIJEĆE MINISTARA

Broj: _____

Sarajevo, _____ godine

PRIJEDLOG

Poslanik u Predstavničkom domu Parlamentarne skupštine Bosne i Hercegovine **Denis Bećirović** je 3. 2. 2016. godine, u skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH" br. 79/14, 81/15 i 97/15), Ministarstvu za ljudska prava i izbjeglice Bosne i Hercegovine, postavio poslanička pitanja sljedećeg sadržaja:

6. "Šta je konkretno urađeno u aktuelnom mandatu Vijeća ministara BiH s ciljem nastavka aktivnosti na realizaciji Aneksa VII DMS?"

7. Šta je konkretno urađeno u aktuelnom mandatu Vijeća ministara BiH s ciljem dinamiziranja aktivnosti na otklanjanju posljedica poplava u BiH?"

Na postavljena pitanja, Vijeće ministara Bosne i Hercegovine je na ___ sjednici, održanoj _____ godine, utvrdilo sljedeće

ODGOVORE

6. Sporazume o udruživanju sredstava i načinu realiziranja sredstava za ostvarivanje prava iz Aneksa VII DMS za svaku budžetsku godinu potpisivali su Ministarstvo za ljudska prava i izbjeglice Bosne i Hercegovine, Federalno ministarstvo raseljenih osoba i izbjeglica, Ministarstvo za izbjeglice i raseljena lica Republike Srpske, Vlada Brčko distrikta Bosne i Hercegovin i Fond za povratak BiH. **Potpisan je Sporazum o udruživanju i načinu realiziranja sredstava za ostvarivanje prava iz Aneksa VII DMS u 2015. godini**, kojim su udružena sredstva u iznosu od 2.250.000,00 KM (2.000.000,00 KM Ministarstvo za ljudska prava i izbjeglice BiH i 250.000,00 KM Brčko distrikt BiH). Komisija za izbjeglice i raseljene osobe BiH je na svojoj 3. sjednici koja je održana 25. 3. 2016. godine donijela Odluku o okvirnom rasporedu sredstava za 2015. godinu kojom se sredstva raspoređuju za finansiranje projekata elektrificiranja stambenih jedinica raseljenih osoba i povratnika i projekata obnove i izgradnje komunalne i socijalne infrastrukture na područjima gdje žive raseljene osobe i povratnici.

Zakonom o budžetu institucija BiH i međunarodnih obaveza BiH za 2016. godinu ("Službeni glasnik BiH" broj 101/15), Ministarstvu za ljudska prava i izbjeglice BiH odobrena su sredstva za finansiranje prava iz Aneksa VII DMS u iznosu od 2.000.000,00 KM koja su namijenjena za realiziranje Revidirane strategije za provođenje Aneksa VII DMS. Komisija za izbjeglice i raseljene osobe BiH je, u skladu sa zaključkom sa 2. sjednice Komisije, održane 24. 11. 2015. godine, uputila dopis nadležnim entitetskim ministarstvima i Vladi Brčko distrikta BiH da u budžetima za 2016. godinu osiguraju i sredstva za ostvarivanje prava izbjeglica iz BiH i raseljenih osoba u BiH s ciljem njihovog udruživanja za realiziranje projekata koje odobri Komisija za izbjeglice i raseljene osobe BiH.

Osim budžetskih sredstava, iz donatorskih i kreditnih sredstava kroz ciljane projekte u toku je realizacija oko 456 miliona KM za obnovu oko 9.300 stambenih jedinica i druge mjere podrške provođenju Aneksa VII DMS.

U toku je implementacija više projekata čiji je cilj obnova i izgradnja stambenih jedinica povratnika i raseljenih osoba.

Državni projekat stambenog zbrinjavanja u vezi s Regionalnim stambenim programom

U sklopu inicijative za okončanje dugotrajnog raseljenja nastalog kao posljedica sukoba u regionu od 1991. do 1995. godine, Bosna i Hercegovina, Republika Hrvatska, Republika Srbija i Crna Gora, kao zemlje partneri, izradile su zajednički regionalni višegodišnji program sa ciljem osiguranja trajnih rješenja za najugroženije izbjeglice i interno raseljene osobe. Programom su predviđena stambena rješenja za gotovo 27.000 domaćinstava izbjeglih i raseljenih osoba u četiri zemlje regiona, odnosno sveukupno oko 74.000 korisnika. Ukupna vrijednost ovog Programa procijenjena je na oko 1,2 milijarde KM, od čega su se zemlje regiona obavezale osigurati oko 160 miliona KM u negotovinskoj kontribuciji, što iznosi gotovo 15% od ukupnog iznosa. Program se sastoji od četiri projekta svake od partnerskih zemalja, a cilj Državnog projekta stambenog zbrinjavanja u Bosni i Hercegovini je osigurati trajna i održiva stambena rješenja kroz povratak i reintegraciju u prijeratnim mjestima prebivališta ili lokalnu integraciju u mjestima raseljenja za 5.400 obitelji ili 14.000 izbjeglih i raseljenih osoba. Ukupni troškovi Državnog projekta stambenog zbrinjavanja u BiH iznose oko 200 miliona KM, od čega se Bosna i Hercegovina se obavezala osigurati oko 15% ili 30 miliona KM, uglavnom u negotovinskim kontribucijama. Program se finansira iz multidonatorskog fonda kojim upravlja Razvojna banka Vijeća Evrope. Okvirni sporazum sa Razvojnog bankom Vijeća Evrope u vezi sa Regionalnim programom za stambeno zbrinjavanje Bosna i Hercegovina je potpisala 20. 8. 2013. godine. Tokom planirane implementacije u trajanju od pet godina, projekat će se provoditi u talasima, za koje se pripremaju posebni pod-projekti, a na osnovu Okvirnog sporazuma za svaki pod-projekat potpisuje se odgovarajući sporazum o grantu, u skladu sa Zakonom o postupku zaključivanja i izvršenja međunarodnih ugovora. Bosna i Hercegovina je do sada podnijela aplikacije za četiri pod-projekta ukupne vrijednosti oko 80 miliona KM, u okviru kojih će se osigurati stambeno zbrinjavanje oko 1.870 porodica. Sve podnesene aplikacije su odobrene, što znači da su sredstva za implementaciju pod-projekata osigurana, a do sada su sa Razvojnog bankom Vijeća Evrope potpisani sporazumi o grantu za provođenje četiri pod-projekata (BiH1, BiH2, BiH3 i BiH4). U saradnji sa lokalnim zajednicama, Vodeća institucija i jedinice za implementaciju otpočele su sa provođenjem sva 4 pod-projekta za koje su potpisani sporazumi o grantu (BiH1, BiH2, BiH3 i BiH4). Ovi pod-projekti provode se u preko 70 gradova/općina širom BiH, od kojih 43 na području Federacije BiH, 27 na području Republike Srpske, te Brčko Distrikt BiH. **U toku 2015. godine do danas urađeno je sljedeće:**

U okviru pod-projekta BiH1, ukupne vrijednosti oko 5,5 mil. KM koji obuhvata osiguranje građevinskog materijala za 20 porodica i pomoć u obnovi po sistemu ključ u ruke za 150 porodica, završena je isporuka građevinskog materijala i izgrađeno je 20 objekata za lokalnu integraciju. Otpočeli su radovi na obnovi i izgradnji 50 objekata za povratak raseljenih osoba, te 100 kuća za potrebe povratka izbjeglih osoba iz zemalja regiona u BiH.

Pod-projektom BiH2, ukupne vrijednosti blizu 30 miliona KM osiguraće se stambena rješenja za 750 domaćinstava za povratak i reintegraciju i 30 stambenih rješenja za lokalnu integraciju u BiH. Izbor korisnika iz kategorije interno raseljenih osoba i izbjeglih osoba iz R Hrvatske u BiH je završen i u toku je projektovanje kuća koje će se početi graditi polovinom ove godine, tako da bi se do kraja 2016. godine moglo planirati useljenje svih 950 porodica u njihove obnovljene domove izgrađene u okviru pod-projekata BiH1 i BiH2.

U okviru pod-projekta BiH3, čija ukupna vrijednost iznosi također blizu 30 miliona KM, izgradiće se 20 višestambenih zgrada sa ukupno 438 stanova za neprofitno socijalno stanovanje. Stanovi su namijenjeni za integraciju izbjeglih i raseljenih osoba u BiH koji su pred-selektirani radi definiranja strukture stambenih jedinica shodno potrebama najranjivijih korisničkih porodica. Stanovi će biti u vlasništvu lokalnih zajednica koje su osigurale infrastrukturno opremljeno zemljište. U toku je projektovanje zgrade i očekuje se ovaj zahtjevni projekat bude završen i korisnici useljeni do kraja 2017. godine.

Već su otpočele pripreme i za implementaciju pod-projekta BiH4, posljednjeg odobrenog pod-projekta, u okviru kojeg će se obnoviti 435 porodičnih kuća za povratak interno raseljenih osoba i izbjeglica iz BiH i izgraditi 45 porodičnih kuća za lokalnu integraciju interno raseljenih osoba u BiH. Korisnici su identifikovani i u toku je provjera ispunjavanja uslova za dobivanje pomoći u zemljama regiona, a provođenje projekta će otpočeti odmah po potpisivanju sporazuma o grantu čija ukupna vrijednost iznosi blizu 20 miliona KM.

Projekat "Zatvaranje kolektivnih centara i alternativnog smještaja putem osiguranja javnih stambenih rješenja -- CEB II"- Kredit kod Razvojne banke Vijeća Evrope – CEB u vrijednosti od 208 miliona KM. Realizacijom projekta bit će omogućeno zatvaranje najmanje 121 kolektivnog centra/alternativnog smještaja ili 76% svih kolektivnih centara u BiH, uz omogućavanje osiguranja stambenih rješenja za interno raseljene osobe i druge ugrožene osobe koje trenutno borave u kolektivnim centrima/alternativnom smještaju i unajmljenim stambenim jedinicama u BiH, sa stambenim rješenjima koja su prilagođena njihovim posebnim potrebama i ugroženosti. Biće obnovljeno/izgrađeno 2.611 stambenih jedinica sa 7.247 osoba u 82 zgrade (31 obnova, 51 izgradnja). U toku je popisivanje sporazuma sa lokalnim zajednicama i verifikacija listi korisnika.

U periodu od 15. marta 2015 -15. 03. 2016. godine, Ministarstvo za ljudska prava i izbjeglice u koordinaciji sa svim institucijama uključenim u realiziranje ovog Projekta, vodilo je aktivnosti na pripremi i realiziranju donešenja Odluka o osnivanju, upravljanju, raspolaganju i korištenju stambenog fonda uz primjenu načela socijalnog stanovanja- usvajaju Općine (18 općina je usvojilo Odluke), Odluke o stambenom zbrinjavanju korisnika kolektivnih vidova smještaja kroz implementaciju projekta "Zatvaranje kolektivnih centara i alternativnog smještaja putem osiguranja javnih stambenih rješenja (usvojeno 18 Odluka), a što je jedan od preduslova za realizaciju ovog Projekta odnosno planiranih podprojekata.

Nadalje, prema usaglašenom nacrtu dokumenta-Sporazuma kojim se definišu obaveze između entitetskih resornih ministarstava i općina, (u FBiH i kantona) potpisano je ukupno 13 Sporazuma za 13 podprojekata (10 u RS i 3 u FBiH).

Imenovane su općinske Komisije za identifikaciju korisnika (sedam općina u RS-u), kao i Komisija za verifikaciju korisnika na nivou RS. Izvršena je verifikacija korisnika za 3 općine u RS (Priedor, Zvornik i Modriča).

U FBiH, u toku je imenovanje Komisije za verifikaciju na nivou FBiH, kao i općinskih Komisija za identifikaciju korisnika.

Paralelno sa aktivnostima vezanim za donošenje Odluka, Sporazuma kao i verifikacije korisnika, od strane entitetskih jedinica za implementaciju Projekta u koordinaciji sa općinama i Ministarstva putem Projektno-izvedbenog tima, izvršena je priprema urbanističko-tehničke dokumentacije (izdate urbanističke saglasnosti i izrađeni Glavni projekti za 11 planiranih podprojekata). Svi projekti će biti predmet revizije u skladu sa propisima BiH, kao i drugim zahtjevima koji su utvrđeni od strane CEB a .

Očekujemo da će u ovoj godini nakon kompletiranja dokumentacije i verifikacije korisnika za svaki podprojekat, započeti realiziranje izgradnje/rekonstrukcije na 8 podprojekata (planirana vrijednost radova cca 8,5 mil. eura).

Projekat obnove stambenog fonda – OPEC- KREDIT -OPEC – OFID – RAZVOJNI FOND u vrijednosti od 12.000.000 KM. Projekat je namijenjen za potrebe rekonstrukcije stambenih jedinica izbjeglica ili raseljenih osoba i povratnika. Cilj projekta je osiguranje prebivališta i trajnog stambenog rješenja za 400 porodica ili oko 1500 osoba koje su raseljene iz svojih domova tokom sukoba 1992.-1995. Projekat su završila dva implementatora (u skladu sa važećom odlukom Komisije za izbjeglice i raseljene osobe BiH), u toku su aktivnosti u Brčko distriktu BiH na obnovi 29 stambenih jedinica. Federalno ministarstvo raseljenih osoba i izbjeglica i Ministarstvo za izbjeglice i raseljena lica RS-a: su završili radove u 51 gradu/općini, završena je 341 stambena jedinica. Ukupno je ugovoren iznos od 9.291.481,00 KM (projektiranje, izvođenje i nadzor). U toku su aktivnosti oko verifikacije dodatnih listi korisnika od strane Komisije koje će se obnoviti dodatni broj stambenih objekata na osnovu ušteda po ovom projektu. Prema informacijama Fonda za povratak BiH, od ukupnih sredstava od 7 miliona američkih dolara (12 miliona KM), do sada je uplaćeno 8.325.950,61, a utrošeno 7.782.789,65 KM. Analizirajući dosadašnju realizaciju projekta OPEC i stepen njegove završenosti, može se konstatirati da je cilj projekta postignut. U skladu sa odlukom Komisije za izbjeglice i raseljene osobe BiH odobren je dodatni broj korisnika iz ovog projekta (71 korisnik), a u skladu sa uštedama kroz smanjenje troškova implementacije projekta i kursne razlike američkog dolara.

Projekat "Održivi povratak izbjeglica i raseljenih osoba: Rekonstrukcija stambenih jedinica"- Kredit kod Saudijskog fonda za razvoj – SFD u vrijednosti od 22.000.000 KM. Projekat je namijenjen za potrebe rekonstrukcije stambenih jedinica osoba koje imaju status izbjeglice ili raseljene osobe i povratnika. Cilj projekta je osiguranje prebivališta i trajnog stambenog rješenja za 901 porodicu ili oko 4000 osoba koje su raseljene iz svojih domova tokom sukoba 1992-1995. godine. Projektom će biti obnovljena 901 stambena jedinica (FBiH - 553 stambene jedinice, RS-314 stambenih jedinica i Brčko Distrikt BiH-34 stambene jedinice). U toku su aktivnosti na izboru projektanata, nadzornih organa i izvođača radova. Počelo je izvođenja radova u 9 općina na 77 stambenih jedinica. Federalno ministarstvo raseljenih osoba i izbjeglica je do sada odabralo projektante za 175 stambenih jedinica u 23 općine. Završeno je sveukupno 175 projekata. Izabrani su nadzorni organi i izvođači radova i u toku je potpisivanje Ugovora za izvođenje radova. Ministarstvo izbjeglica i raseljenih lica RS-a je do sada odabralo projektante za 187 stambenih jedinica u 16 općina. Završena je projektna dokumentacija za 2 općine, a za 14 općina u toku je izrada projektne dokumentacije. Odabrani su projektanti za izradu izvedbeno-projektne dokumentacije za još 12 općina i 108 stambenih jedinica. U toku je potpisivanje Ugovora.

IPA PROJEKAT – Provođenje Aneksa VII „Podrška trajnim rješenjima predviđenim u Revidiranoj strategiji BiH za provođenje Aneksa VII DMS-a“. Vrijednost Projekta je 15.000.000 KM. Projektom će se omogućiti domaćim akterima da rješavaju preostale prepreke rješenjima za raseljene osobe i povratnike u skladu sa ciljevima iz Revidirane strategije BiH za provođenje Aneksa VII DMS-a. U okviru ovog cilja bit će osigurana trajna stambena rješenja za 125 ranjivih povratničkih i interno raseljenih porodica, 480 porodica bit će potpomognuto mjerama održivosti i za 500 osoba bit će osigurana djelotvorna mogućnost ostvarivanja prava i, ako bude potrebno, pristup pravima i uslugama socijalne zaštite. Do sada, u toku realizacije ovog projekta izgrađeno je ili rekonstruisano 96 stambenih jedinica, od toga u 2015. godini rekonstruisano je 86 stambenih jedinica porodica raseljenih osoba i povratnika. Na infrastrukturu je priključeno 106 stambenih jedinica, od toga u 2015. godini 96 stambenih jedinica je priključeno na tehničku infrastrukturu. Tokom implementacije Projekta 374 raseljene osobe i povratnika su ekonomski ojačani kroz osiguranje proizvodnih setova, opreme i savjetodavne usluge. Od toga u 2015. godini za 254 porodice je pružena takva pomoć. 395 osoba je dobilo grantove za stvaranje prihoda i ekonomsko osnaživanje i ojačani su sistemi socijalne zaštite i inkluzije na ciljanim lokacijama. Ojačani su kapaciteti za pružanje inkluzivnih usluga identifikovanim najugroženijim povratnicima i raseljenim osobama na ciljanim lokalitetima (u 2015. godini razvoj kapaciteta u vezi sa zaštitom djece pružen je za 244 pružalaca usluga iz sektora obrazovanja, zdravstva i socijalne zaštite za inkluzivne usluge za ugroženu djecu i njihove porodice). U toku 2015. godine pružena je besplatna pravna pomoć za 224 povratnika i interno raseljene osobe. Projekat će biti implementiran do kraja 2016. godine.

Program pomoći Vlade Republike Hrvatske za podršku povratku Hrvata iz R Hrvatske u BiH u vrijednosti od 1.500.000 KM. Cilj projekta je podrška povratku Hrvata iz R Hrvatske u BiH. Odabir korisnika i isporuka građevinskog materijala u nadležnosti je Vlade R Hrvatske. Realizacija je u toku, do sada je obnovljeno 95 stambenih jedinica, a predviđa se obnova još oko 72 stambene jedinice tokom ove i naredne godine.

Odlukom Komisije za izbjeglice i raseljene osobe Bosne i Hercegovine broj: K-06-50-2652-4/13/15, na 15. sjednici održanoj dana 20. 3. 2015. godine, izvršen je odabir prioriteta projektnih lokaliteta za projekte elektrifikacije stambenih jedinica raseljenih osoba i povratnika, iz sredstava za 2012. i 2013. godinu, u ukupnom iznosu od 1.400.000,00 KM.

Potpisani su Sporazumi o saradnji za svih 20 projektnih općina i to:

- dana 27. 11. 2015. godine, u općini Višegrad, za osam projektnih općina, koje se nalaze u zoni nadležnosti ED RS Pale i ED BiH (Čajniče, Foča, Novo Goražde, Pale/Prača, Rogatica, Rudo, Sokolac i Višegrad);
- dana 14. 12. 2015. godine, u općini Lukavac, za osam projektnih općina, koje se nalaze u zoni nadležnosti ED RS Doboj, ED RS Bijeljina i ED BiH (Brod, Derventa, Han Pijesak, Lukavac, Novi Travnik, Osmaci, Pelagićevo i Srebrenica);
- dana 19. 2. 2016. godine, u općini Glamoč, za četiri projektne općine, koje se nalaze u zoni nadležnosti ED HZ HB Mostar i ED RS Trebinje (Dobretići, Gacko, Glamoč i Ravno).

Za 19 općina završene su predviđene aktivnosti imenovanja projekt menadžera projekta od strane projektnih općina i za 19 općina završene su aktivnosti obilaska terena – projektnih mikrolokaliteta, od strane monitora MLJPI BiH, predstavnika projektnih općina i predstavnika nadležnih ED-a, u cilju definisanja projektnih aktivnosti/korisnika, izrade projektnih prijedloga i projektne dokumentacije. Očekuje se imenovanje projekt menadžera i obilazak terena u još jednoj projektnoj opštini (Gacko).

U toku je izrada projektnih prijedloga i projektne dokumentacije za odobrene projekte, od strane projektnih općina i elektrodistribucija, za koje je izvršen obilazak terena, a kojima se detaljnije definiraju predviđene projektne aktivnosti, korisnici projekta, ciljevi, predmjer materijala i radova i sl (originali projektnih prijedloga su dostavljeni u Ministarstvo za 10 projektnih općina, za četiri općine izrada je u toku, za šest općina očekuje se izmjena/dopuna Odluka Komisije za izbjeglice i raseljene osobe BiH, shodno dostavljenim zahtjevima). Jedna općina je pokrenula tenderske procedure za odabir izvođača radova/dobavljača elektro materijala i opreme (Pelagićevo).

U decembru 2015. godine Ministarstvo za ljudska prava i izbjeglice BiH je pripremlilo Izvještaj o realiziranju Revidirane strategije BiH za provođenje Aneksa VII DMS koji predstavlja presjek stanja u ovoj oblasti s odgovarajućim prijedlogom rješenja za unaprjeđenje stanja. Prilikom izrade Izvještaja o realiziranju Revidirane strategije BiH za provođenje Aneksa VII DMS, osim podataka Ministarstva, korišteni su podaci koje su dostavili članovi Konsultativne radne grupe iz Ministarstva civilnih poslova BiH, Fonda za povratak BiH, Federalnog ministarstva raseljenih osoba i izbjeglica, Ministarstva za izbjeglice i raseljena lica Republike Srpske, Odjela za raseljene osobe, izbjeglice i stambena pitanja Vlade Brčko distrikta BiH, Predstavništva UNHCR u BiH, Misije OSCE u BiH, Unije za održivi povratak i integracije u BiH i Udruženja 'Vaša prava BiH'.

Izvještaj o realiziranju Revidirane strategije BiH za provođenje Aneksa VII DMS razmatran je i usvojen na 36. sjednici Vijeća ministara BiH, održanoj 23. 12. 2015. godine. Takođe, u skladu sa zaključcima Vijeća ministara isti je prosljeđen Parlamentarnoj skupštini Bosne i Hercegovine koja je na 18. sjednici, održanoj 27. 4. 2016. godine usvojila predmetni dokument sa zaključkom.

7. U proljeće 2014. godine nezapamćenom prirodnom katastrofom u BiH bila je pogođena 81 općina, a usljed posljedica poplava i klizišta u BiH oštećeno je više od 43.000 kuća i stanova, dok su 1.952 kuće uništene djelovanjem klizišta. Raseljeno je oko 83.000 osoba. Za potrebe zbrinjavanja raseljenih osoba bilo je otvoreno 55 objekata privremenog smještaja u kojima je bilo smješteno oko 1.500 osoba.

Ministarstvo za ljudska prava i izbjeglice BiH je na Međunarodnoj preglednoj konferenciji o napretku ostvarenom u provedbi rezultata Briselske donatorske konferencije u otklanjanju posljedica katastrofalnih poplava koje su pogodile Bosnu i Hercegovinu i Republiku Srbiju u maju 2014. godine, koja je održana 28. 9. 2015. godine, prezentiralo Informaciju o ostvarenim rezultatima na sanaciji posljedica poplava u Bosni i Hercegovini za probleme obnove stambenih jedinica i raseljenja. Tom prilikom prezentirane su i iskazane preostale potrebe za prioritetnu sanaciju za obnovu preostalih stambenih jedinica stradalih u poplavama i klizištima. Nakon održavanja Međunarodne pregledne konferencije, Ministarstvo za ljudska prava i izbjeglice BiH zaprimilo je pismo Delegacije EU o dodatno odobrenih 12,5 miliona eura, namijenjenih za obnovu i izgradnju kuća za ranjiva domaćinstva stradala u poplavama i klizištima u BiH. Delegacija EU je od Ministarstva za ljudska prava i izbjeglice BiH zatražila da, u svojstvu koordinatora Radne grupe, pozove nadležne entitetske institucije da učestvuju u radu Radne grupe za izradu Javnog poziva za obnovu i izgradnju kuća za ranjiva domaćinstva i zajednički utvrde prioritetna područja na kojima će biti vršena obnova. S tim u vezi, Ministarstvo za ljudska prava i izbjeglice BiH je, održalo sastanak sa nadležnim entitetskim institucijama radi utvrđivanja klastera – područja (općine/opštine) na kojima će biti izvršena obnova. U narednom periodu očekuje se objavljivanje Javnog poziva za obnovu i rekonstrukcija 680 stambenih jedinica.